

POLUS ARCTICVS.

Ac Terrarum circumjacentium descriptio.

GENERALI descriptione (candide Lector) totius Orbis terræ & quatuor partium ejus juxta naturæ ordinem methodicè repetitâ & præmissâ, statui ad imitationem Ptolemæi Cosmographorum Principis ab ipso Polo & regionibus sub ipso circumjacentibus, singulorum deinceps particularum Geographiam inchoare, ut nimirum ab alto ad inferiora descendens, & à sinistris ad dexteriores progrediens, Septentrionem cum Austro, & Occidentem cum Oriente paullatim jungam: quod ut mihi Reique publicæ Christianæ felix faustumque sit, Deum Optimum Maximum precor & obtestor. Polus est extremitas axis, id est linea per centrum globi traducta, Latinis vertex. Hi duo sūt, Septemtrionalis & Austrinus. Septemtrionalis est, qui versūs Boream semper conspicitur, ideoque etiam Borealis & Arcticus dicitur. Austrinus, qui solis Meridionalibus apparet, ideoque Meridionalis, Notus, & Antarcticus cognominatur. Ac de Polis quidem hoc loco paucula ista sufficiant. Ad regiones sub Polo Arctico circumjacentes venio. Quæ sunt *Groenlandia*, *Frislandia*, *Nova Zembla* cum aliis nonnullis, de quibus breviter quantum quidem cognitæ sunt, agemus. *Groenlandia* à viriditate nomen habet. Insula ignota adhuc maximâ ex parte. Sitata est inter cirulum Arcticum, & Polum, ejus Paralleli extremi sunt Austrum versus grad. Lxv. Boream verò versus grad. Lxxvii. In hac Insulâ, si Nicolao Zeneto (qui anno M.cccc.lxxx, variis jactationibus in vicino mari agitatus est) credimus, continua hyems est novem mensium, quo toto tempore ibi nō pluit: neque ineuntis hyemis nives unquam ante ejus finem dissolvuntur, graminis tamen innoxie sūt. Insignes enim hīc graminis & pabuli proventus. Mira item pecorum & lactariorum copia, ob illam pabuli insignem ubertatem: adeo ut strues quasdam ingentes butyri & casei componant, quas eō navigantibus vanales exponant. Duæ autem tantarum habitationes in *Groenlandiâ* nobis notæ sunt, *Alba* & *S. Thoma cœnobium*, de quo mox dicemus. *Groenlandiam* lambit mare Pigrum, quod & Glaciale & Concretum dicitur. Est in *Groenlandiâ* Monasterium ordinis Predicatorii: & non procul ab eo mons *Æthnæ* instar ignivomus, ad cujus radices aquarū perennium fons, cujus candentibus aquis nō solum omnia illius monasterii habitacula hypocausti instar calefiunt: sed etiam panis & cibi nullo alio adhibito igni excoquuntur. Tota hujus Monasterii fabrica ex tophis constat, quos idem mons medias inter flammās evibrat. Iidem fontes hortos vicinos tepesciunt, ita, ut vario florum herbarumque genere perpetuò rideant. Proximus etiam maris tractus harum aquarum benignitate nunquam congelatur, sed piscibus Hominibusque perpetuò patet. Inde hīc tantus aquatiliū pisciū que ex frigidioribus locis concursus, ut non solum hi Monachi, sed circumvicini etiam accolæ suaviter unde vivant, habeant. *Frislandia* Insula Veteribus prorsus ignota: major quàm Hibernia. Magna in hac cœli inclementia, Incolæ fruges ulla non habent, sed piscibus vescuntur ut plurimum. Ejus primum Oppidum ejusdem est cum Insulâ nominis. Regi Norvegiæ parer. Incolæ ut plurimum piscationibus rem faciunt. Capitur enim in ejus portu tanta omnis generis piscium copia, ut iis multæ onerentur naves, quibus in circumjacentes Insulas avehūtur: Quemadmodum

Groenlandia unde dicta.

Cœli qualitas & solis.

Frislandia.